

四庫

全書

四庫全書

全書

第五四九冊

四庫全書

●上海古籍出版社

本冊目次

山西通志(八)

清 覺羅石麟等監修
儲大文等編纂……一

欽定四庫全書

史部
山西通志卷一百八十二

詳校官給事中臣王鍾健
檢討臣德生覆勘

總校官進士臣朱鈴
校對官中書臣滿奕雋
騰錄監生臣莊承簪

欽定四庫全書

山西通志卷一百八十二

藝文

御製

聖祖仁皇帝御製文

清涼山新志序

朕惟清涼山古稱文殊大士演教之區也茲山聳峙於雁門雲中之表接恒嶽而俯滹沱橫臨朔塞藩屏

欽定四庫全書

山西通志
卷一百八十二

京畿其地風勁而高寒層氷結於陰巖積雪留於炎夏故名清涼然地雖寒而嘉木芳草蒙茸山谷稱靈異焉五峯竦立上轟霄漢日月之所迴環烟霞之所虧蔽蒼然深秀其為神臯奧區蓋自昔而已然矣是自漢迄今歷代皆有崇建古剎精藍徧滿巖岫宇內稱靈山佛土最著者有三峨嵋普陀而五臺為尤盛焉我

世祖章皇帝上為

慈闈祝釐下為蒼生錫福賜金遣使屢沖恩施朕數經駐

踰茲山為

兩宮祈康寧福祉因而登五峯陟臺懷各為文勒石以紀之琪樹靈葩形於篇詠蓋嘗念佛教以清淨慈惠為本以戒定智慧為宗亦有裨於勸善遠惡茲山又密邇塞垣遠離塵俗當為清修者之所棲泊故於此每惓惓焉山之有志所以紀形勝述建置載藝文俾後之人有所稽考往蹟舊聞不致湮沒茲編詳簡適中

欽定四庫全書

山西通志
卷一百八十二

二

不無不支清涼勝境可撫卷而得其梗槩也因敘於簡端

南臺普濟寺碑文

康熙三十九年

南臺世傳文殊示現之處也臺當山之陽地稍暄暖金葉日菊佛鉢之花生徧崖谷若錦繡之相錯故其峯曰錦繡之峯峯有寺曰普濟蓋宋所建云佛氏之教息心淨業以獨善其身而文殊所願在饒益衆生布施以廣仁義持戒以守信忍辱以為諫精進以施

敬禪定以守靜知慧以通理其慈惠之心有獨弘者自漢以來清涼之山代有精舍至宋之十寺為國祝釐恒賜詔褒簪戴籍傳之所從來久矣山之僧棲巖飲澗以自甘惟守其師之說以獨善其身寺有圯者力不能興葺也朕登南臺乃命復新普濟寺以居僧徒之息心淨業者俾祝釐於是登臨者睹象教之精嚴慈惠之心可以油然而生矣

東臺望海寺碑文

康熙三十九年

欽定四庫全書

山西通志
卷一百八十二

三

周官職方氏掌天下之圖辨九州之國州表一山以為鎮躋其巔可以望海者則揚之會稽充之岱青之沂幽之醫無閭凡四山焉惟岱距海較近登日觀望扶桑其宮堯峻極尤非他山可比也五臺隸并州州境無海而臺之東峯以望海名蓋雲中上黨晉地踞天下之脊山之麓既高而臺之高復三十餘里龍泉以東岡巒陵阜皆處其下遠瞰滄瀛諸州景光愔恍儼若紫瀾浩淼與青顙之氣混涵相接記稱旭日方

升望天海若陂澤信有以哉臺有寺棟桷桎桷不蔽風雨朕省方登此命加修葺復其初製蓮臺法相固極莊嚴已四方之人得於馬信宿縱睇渤海之朝曦以視夫岱宗日觀又何多讓邪遂鑿片石文以紀之

中臺演教寺碑文

康熙三十九年

五臺之山高出雲代然不與嶽鎮之列山經禹貢以及道書所稱洞天福地均莫之載蓋自昔為釋子所棲故與峨嵋普陀號三靈山之三山者或在海上或

欽定四庫全書

山西通志
卷一百八十二

四

當巴蜀險遠之區惟茲山峙神京之右千里而近宜登陟者較多焉朕嘗覽觀載記謂茲山東有離岳火珠西有麗農瑤室南有洞光珠樹北有玉潤瓊枝中峯則有自明之金環光之壁是靈秀所鍾中臺為尤異矣臺高三十有九里游者至是必思憩息之地此自唐以來演教寺之所由建也山峻多風寺久傾圯朕爰命工拓而新之譬之於物澤雉十步一啄百步一飲鵬之飛九萬里而扶搖六月而息其遠邇高下

雖殊方其息自適之情則一也朕之命新茲寺亦欲登是山者咸有自適之樂焉爾

北臺靈應寺碑文

康熙三十九年

清涼山左鄰恒嶽右接天池環基五百餘里五峯竦峙而北臺為最高歲癸亥二月朕鑒輅西巡登其層巘雲氣生鳥履之下開闔萬壑時春雪方霽青霄夏絕天風颯然所謂身歷清淨之域目睇澄鮮之境心游太古之地盈縮造化吐納顓氣冷然善也臺名叶

欽定四庫全書

山西通志
卷一百八十二

五

斗峯舊有靈應寺丹青虧剝采腐敬傾朕念衣緇之流不外仁義以為教故熙隆之代亦所不廢矧曼殊化宇恒著感通達邇之人靳嚮久矣爰命崇其陞祀飾其題塗土木瓦石丹堊金碧之需財自內出不涉經費工以傭給役弗違農是以工敏於事而民若不知秋八月告落成焉董事之臣請製文勒石以志之用以上昭景福於

慈闈下廣惠嘉於兆庶垂示於億萬斯年爾

西臺法雷寺碑文 康熙三十九年

朕聞驚嶺峰臺不少水晶之域鵠林鹿苑恒開金粟之園莫不獻露裹之千花蔭春浮之雙樹迺有龍湫抱鉢偕猿鶴以高棲燕子成龕捫藤蘿而直上況夫竺法蘭之初地舊是梵宮勾龍爽之畫圖羣推紫府綈蓮照野智炬長然青豆開房精廬用結西臺絕頂有法雷寺焉方廣化城文殊密宇琉璃布地霄鄰掛月之峯栲栳名山磴轉千雲之石仙人五百青髻曾

欽定四庫全書

山西通志卷一百八十二

六

游沙界三千玉毫盡徹指修蛇之負壑恒嶽匪遙數歸雁之銜蘆并門在下朕對清涼之勝景招閭闔之長風北瞻則畢月昂車西顧則參旗并鉞憫此伽藍久廢飭其瓊甌重新紺馬銖衣長轉相輪於雲表桐魚茶版仍流清響於山椒庶使龍象行時金闕遠符大厯後貌坐處神光復現元和云爾

菩薩頂大文殊院碑文 康熙三十九年

夫坤輿九壤厥有名區方志所標莫之勝紀若其巖

隴繇遼巖岡崇阻縈紆窈窕悠然遙望列峰競秀壁立霞駁不可殫視則惟清涼山之五臺為最勝五臺竝高數十里如覆盂如懸棧閣如鵠摩天如鼇脊出海飛穹穹岫飄渺超忽而風高氣寒土脈深陁遠近如一至夫鬱盤迴薄斥為廣衍之地蘊真萃異信為靈跡之所棲託者惟臺懷為最勝臺懷居五臺之中左襟右帶前顧後仰若在懷抱其地陽陞平林舊多梵刹有菩薩頂文殊院者相傳文殊示現於此其殿

欽定四庫全書

山西通志卷一百八十二

七

廡尤壯嚴弘邃殆福地之精藍神垌之奧蹟也我朝建鼎以來歲有給賜為國祝釐蓋其境域過清不可以業四民故於禪棲為宜雖寥迥深阻介於無何有之鄉巾瓶施乞遶莫能致然象教所感伊蒲之供率集於四方居其地者亦類能謹教律嚴心行致其潔虔以一歸於慈氏之訓庶克稱國家優厚之意焉朕西巡駐蹕茲地因勅詞於石列之院中以垂示無極

云

射虎川臺麓寺碑文 康熙三十九年

五臺峙京邑之西縣巨晉代數州地是為天下靈區
輿境以壯固神京癸亥春二月朕省巡民俗言陟茲
山而觀覽焉去臺懷數十里適有虎隱現叢薄間朕
偶御弧矢一發殪之里人皆歡呼曰是為民害久矣
今鑒興臨幸而此獸用殛殆天之所以除民災也因
號其地曰射虎川且相率為浮屠之宮以表厥異既
成襟帶山澤面勢爽塏重檐巨棟烏革輦飛與臺上

欽定四庫全書

山西通志
卷一百八十二

八

諸名利相映帶稱勝槩焉邦人重其事請朕製文勒
碑以垂永久夫事雖微而苟有利於民則皆可紀以
示後嘗觀周禮特命官掌設弧矢以攻猛獸蓋虎豹
鷙戾能戕人害物者必殄滅之仁民故也朕乘輿所
歷偶接於耳目之前爰發一矢斃一獸事則適然而
羣心咸悅流傳以為嘉美其有合於先王服猛之義
也夫故俯順其請因勒斯文用誌巡歷之歲時云爾

五臺殊像寺碑文 康熙三十九年

蓋惟清涼福地拱紫塞以標靈臺頂名山矗蒼穹而

聳秀文殊飛錫之所夙號神臯吉祥闡教之區舊多
精刹況龕留古佛為法海之殊觀壤接中臺乃香林
之勝境創琳宮於自昔葺紺宇以維新茲殊像禪寺
開基臺畔結宇山阿谷邇鳳林環千巖之紫翠堂臨
鹿苑俯萬壑之煙霞峯曰梵仙望層巒於天降泉稱
般若落清澗於雲中殿有金容因名殊像天人肅穆
羣瞻龍象之尊儀度莊嚴共禮俊貌之座青蓮妙相

欽定四庫全書

山西通志
卷一百八十二

九

琉璃光映於林端碧樹幽棲鐘磬聲聞於嶺外迺以
歲年歷久陳跡都荒風雨所摧僧寮非舊慨此丹楹
畫壁無非蛛網塵封朕為

慈闈祝釐故爾法駕戾止憫茲頽廢爰命締修梵宇再興
明筵如故祇園金地依然多寶之場佛頂珠光重現
牟尼之瑞招提既肅緇綱咸歸室可賴以安禪用勵
清修之衆事有裨於勸俗聿弘覺善之門式勒貞珉
永垂奕禩

五臺碧山寺碑文 康熙三十九年

原夫園成祇樹聿標驚嶺之奇香滿梅檀定據琳宮
之勝況山雄雲代宇結清涼文殊演教而開基天龍
八部迦葉瞻容而頰首螺髻千身繫朔塞之名區實
梵王之法界經駝白馬觀貝畫之常新地布黃金喜
蒼林之重燦茲碧山寺棟構臺柯葦飛巖畔勝傳普
濟化城之玉碣猶存谷號萃嚴德水之青蓮時現銀
龕珠洞映三藏之神光疊嶂層巒萃五方之靈秀浮

欽定四庫全書

山西通志
卷一百八十二

十

煙巒翠迴接蒼穹含藹流清傍分綠澗何羣峰之凝
碧繞大室以增幽雁塔峻嶒朱夏帶陰山之雪鶴林
高下白毫連紫極之雲茲因歲月遷移川陵委寂禪
枝忍草侵榛蔓以交蕪寶鐸雕甍歷風霜而黯色朕
親來佛地稽祝

慈憐爰整金繩丕施珠網啓琉璃之淨國寶樹攢香燦環
珞之紅樓曇花四照相輪自備巧傍新幡丹鳳飛來
還棲舊剎必芻競集弘參不二之宗象力攸崇眾證

無為之果用鵠貞石永煥名山

臺麓寺碑文 康熙四十年

朕惟道源普濟金輪轉靈鷲之峰象設壯嚴蘭若啓
閭浮之地蓋振鐸聲於祇樹教澤彌長秀螺髻於蓮
臺拜瞻斯肅況復文殊聖宅遙連紫塞之煙雲大士
名區近作神京之屏翰五峰屹峙千嶂迴環三春開
四照之花長夏積經年之雪緬此清涼之靈境實為
萬里之幽棲若乃路入山隈寺名臺麓飄法幢於雲
表影拂虹霓響清磬於林端聲浮澗壑維茲勝域迴
異恒規朕永惟佛教之弘深欲躋羣生於仁壽巡行
駐輦式禮香林仰祈嘉祉於

欽定四庫全書

山西通志
卷一百八十二

十二

慈憐敬製金容於祕殿出尚方之丹碧選內府之香檀刻
鏤精工集經營於匠氏威儀豐約裁尺度於朕心妙
相端凝映雲霞而煥彩粹容圓滿偕日月以齊輝環
珞紛披寶鏡照大千之界蓮花璀璨祥煙籠大六之
身敬送臺山奉安淨土繡旛香輦出鳳闕而西行法

鼓鯨鐘望雁門而貢止遠近親旌幢之盛天人瞻龍象之儀莫不注目竦觀齊心稽首講堂鈴鐸傳唱於天風畫拱琉璃朗慧燈於長夜繞徑挺菩薩之樹巡檐現優鉢之香智海汪洋川嶽益增其炳煥慈雲瀾漫草木咸載其光華貝闕常新琳宮日麗嗣後六時禪誦望寶筏以知歸四遠緇流禮精藍而式化宗風丕振品類咸休用勒貞珉昭示無極

重修清涼山羅睺寺碑文

康熙四十一年

欽定四庫全書

山西通志
卷一百八十二

十三

朕省方觀民所過名山大川壯觀勝蹟與夫往聖先賢講學明道之地心切向往多所表章而釋氏之宮標靈顯異所在多有亦間留題以寄遐懷嘗一再至五臺山慨然於清涼真境如游崆峒汾水之間登眺五峰俱賜匾額維茲羅睺寺具地近文殊現相處其取義似飯依西方十六祖創建自唐顯迹於宋續修於勝國賢藩追我

先朝曾闢院以供十方暨朕躬亦嘗寵以翰墨而日月

既久棲題傾圯赤白漫漶今住持僧元旦復規而新之加麗焉夫浮屠義不三宿則無地非桑下也以無所住為常住亦何處不清涼也然其過化之所往往留精舍焉亦弟子職也往聞羅睺擊鐘集大眾以別聲聞而宋丞相張商英常見神燈茲寺中則今元旦之舉於將廢也鐘聲燈影或者復聞聞而見見乎因援筆而賜之記

五臺山湧泉寺碑文

康熙四十四年

欽定四庫全書

山西通志
卷一百八十二

十四

地湧璇源山澤若醒心之號天開金界禪宮標靈掌之名故鍊性高僧每棲真於碧澗而薰修淨侶多遊迹於丹泉用浣滌乎塵氛乃流傳夫靈蹟五臺山湧泉寺者祇陀化域震旦清都宿列井參聳蓮花之五峯山連恒岱環柏峪以千盤師利垂光神燈燭夜摩騰演教仙梵飄空陟中頂之岩堯指北巖而迤邐路入清涼之谷萬派跳珠俗稱澡浴之池一泓嘔玉神膏渾沸金貌駐影而徘徊細穀淵淪香象凌波而蹴

踏諸天搗護四衆皈依既撥蘇以披榛遂結亭而覽
石雪竇寫空明之色月林生定慧之香朕以西巡駕
臨初地喜清澗之不竭念聖境之未湮爰發帑金式
扶象教揭御堂以纓壑紺碧重興眞雁舍以連霄煙
嵐增煥雖慈恩廣大千江共印圓輝而誠懽感通一
勺亦沾法乳珠璣寶網無雲不現吉祥粥鼓齋鐘是
水皆分功德緣靈長於億載甘露恒滋普福利於羣
生祥河永濟泐諸貞石昭示來茲

欽定四庫全書

山西通志
卷一百八十二

十四

五臺山廣宗寺碑文

康熙四十六年

蓋聞教闡浮提資神功於廣運理融淨域表大義於
正宗山號清涼藏名歡喜覽勝則雁門紫塞標奇則
鹿苑珠林式承由舊之規宣示維新之象廣宗寺者
幽棲妙境禪悅精藍泉飛貌座之旁塔湧鷲峰之半
當其開基曩代鑿石成龕架宇虛巖範銅為瓦大宇
金像儼然分照十方小朵天城久矣齊稱五佛屬星
霜之流易致風雨之漂搖朕法駕時巡祇園泣止特

頒金帛再飾寶坊畫棟於以重輝雲榻因茲永煥風
搖高阜偕鐵鳳以翱翔月鏡長圓並金羊而焜耀種
福田於福地事重祝釐宣梵唄於梵天意兼勸俗庶
幾宏敷廣席徹權實之指歸丕振宗傳識源流之派
別云爾

五臺山顯通寺碑文

康熙四十六年

欽定四庫全書

山西通志
卷一百八十二

十五

山分五頂亘右輔之雄區地接三霄顯西方之化域
惟大士棲真之所高揭獅牀為竺蘭演教之場羣標
雁舍靡不轟瓊梯於碧漢耀琳宇於丹巖茲顯通寺
者創自永平開大孚之靈蹟拓於元魏增善住之崇
基唐宗始易前稱勝代再頒嘉號玉花園畔紺雨繽
紛甘露津邊璇源滴瀝神燈煥彩散列嶽以千星飛
閣翔空絢明霞於萬疊洵臺懷之上刹恒朔之名藍
也朕駕鑾輅以時巡望鷲峰而企鶴身雲忽湧陟初
地之清涼心月常圓燭慧光之鴻朗特捐淨施香界
重開聿改舊觀惠修倍肅石上辟支現影顯示吉祥

函中含利升輝盡生歡喜巖巖紫茵宛同四照交枝
曲折紅泉即是八功衍派上以繇

慈閣之景算壽岳彌崇下以錫兆姓之繁禧祥河普潤爰

鐫片碣用詔來茲

五臺山棲賢寺碑文 康熙四十六年

蓋惟驚嶺西來西土旋移樂土鳳林東望東臺即是
春臺漸近神京雲湧一峰獨秀迴翔震旦蓮開五朵
齊明谷鋪錦繡之花輝連忍草溝注清涼之水法具

欽定四庫全書

山西通志
卷一百八十二

十六

慈航名高選佛之場眺瀛洲而若鏡跡表棲賢之社
探石洞以如霞儼然證道之區允矣降真之所昔者
大士於此現身早証圓通闡從聞思修之教顯標真
實偕隨聲應感之緣曾為七佛之師化宣累劫今作
十方之主澤普羣生幸茲常喜之國都瞻禮妙德之
相好出緇錢於內帑香火頻仍啓傑構於靈山莊嚴
斯在祇園迴敞地分五百坤輿寶座一乘光徧三千
世界禪枝影靜願風雨之調均覺海波澄信金湯之

擁護机

慈有慶九天之壽域常新繇祚無疆兆姓之福田永賴磐

錫貞石託記載於斯文抒寫至懷俾昭垂於來許

中臺菩薩頂碑文 康熙四十六年

碧落千尋浮法雲於五髻紺宮百疊湧慧日於一螺
摩騰天眼之所憑阿育神光之所攝譬諸木金水火
行配土而居中岱霍華恒岳得嵩而峻極洵祇林之
勝聚梵界之偉觀矣茲菩薩頂寺者區包靈跡闕貯

欽定四庫全書

山西通志
卷一百八十二

十七

真容默贊化機初布貞觀墨詔顯資治理載新景德
豐碑瑞像現於毫端金繩拓於覺路羣龍北向樓臺
當地脈之中雙練南飛鐘磬隔煙波之外基緣闢而
加廣殿以配而彌尊梅檀與娑律同熏蔭蔭共優曇
竝貌結大士跏趺之座峰擁蓮花登普賢般若之臺
河呈香象百千賢劫俱歸不二法門萬億人天各證
前三妙諦從此招提永煥欄楯重開臨列障以標奇
冠諸方而首出用銘貞石作鎮名山

五臺山白雲寺碑文

康熙四十六年

三明闡教弘塵海之津梁八正開宗示靈山之門閭
白雲寺者五臺之接待院也面臨達道已饒林麓之
觀後枕巖椒即是煙霞之宅乍縈絲而出岫紺馬羣
翔俄散綺以盈川玉毫同色縈青綠白朝暮皆宜羣
翠浮嵐陰晴互換松寮爽塹霏香靄於諸天蓮社蕭
閒隔氛埃於下界聖真茲焉顯化開士託以潛棲溯
厥由來亦云舊矣然而法輪未建秘境猶湮階繡告

欽定四庫全書

山西通志
卷一百八十二

文

錢難覓雀離之舍壁留蝸篆莫瞻蟬髻之容惟洪構
之有期信勝因之不昧朕旁搜竺典結念名區特頒
內府之金鏤用飾上方之象設天龍八部齊拱齋筵
鐘板六時共修禪誦利竿高峙風琴動而月鏡升梵
宇長新意蕊飛而心燈炳冀願船之普濟道在弘慈
庶覺路之咸登義存廣善云爾

賜大學士

臣

吳興臨米芾千文跋

朕臨米芾書千文數卷此卷賜大學士吳興吳興為

人寬厚和平持已清潔先任封疆文武軍民受其實
惠者至今頌之朝中之事面折廷爭必得其正朕甚
重之故書其後以紀其大臣之體

聖祖仁皇帝御製詩

自長城嶺至臺懷

山行竟日夕風景一以殊萬馬魚貫前宛若登天衢
雲際冠層峰雪外辨修途叢卉未甲圻寒禽互喧呼
曲磴響環珞空籟鳴笙竽縱之綺麗觀煙蘿澹相娛

欽定四庫全書

山西通志
卷一百八十二

文

流覽多所欣未覺道路紆五臺遙八抱鬱鬱誠靈區
翠微未及上身已臨清都佳氣愜遐賞曠懷抗遠圖
陶唐此故土餘澤仍漸濡刻玉緬往迹游河景前模
載咏蟋蟀吟遺風今有無

顯通寺

蘭若翠微重諸天第一峰金輪開漢日紫府覓仙蹤
雪映交牕迴雲封閣道濃夕陽松影外處處報疎鐘

殊像寺法相最異

五髻瞻殊像千花聚法筵經營思哲匠髣髴見初禪
繅馬明霞外燃燈畫壁前不須仙梵放清磬已泠然
駐蹕靈鷲峰文殊寺

地敞層臺近林開法像遙香泉分乳鉢佛火簇松寮
紺馬迎鑾入朱幢引隊飄竺蘭遺蹟在選勝歷山椒
菩薩頂

四十餘年禮世伽本來面目是天家清涼無物何所
有叶斗峰橫問法華

欽定四庫全書

山西通志
卷一百八十二

字

天花

靈山遇雨萬松青朵朵絳雲摘翠屏玉笈重紙敕飛
騎先調六膳進

慈寧

登望海峰

誰架鼇為柱神州左一方重關連委粟半夜豁扶桑
曉散嵐光白晴收水氣黃瀛壖不可極萬里自蒼茫
北臺眺望

絕磴摩羣峭高寒逼斗宮鐘鳴千嶂外人語九霄中
朔雪晴猶積春水暖未融憑虛看陸海此地即方蓬
娑羅樹歌

娑羅珍木不易得此樹惟應月中植想見初從西域
移山中有入多未識海桐結蕊松栝形千花散盡七
葉青山禽迴翔不敢集虛堂落子風泠泠楚州遺碑
今已偃峨眉雪外雙林遠未若茲山近可游靈根終
古蟠層嶽繁陰亭午轉圓闔回睇精藍路幾盤憑教

欽定四庫全書

山西通志
卷一百八十二

字

紫府仙山樹寫入披香殿裏看

冬日重登清涼山

紫府名山憶舊蹤招提駐屐認雲松陰崖尚有春時
雪落日仍聽下界鐘塞遠渾河寒更白林疎恒嶽翠
逾重祝釐交叶人天慶銀榜新題徧五峰

過固關入山西境

鳥道入雲中風光塞漠同人依險地立城自越山叢
俗樸觀民舍才多壯士雄芹泉連冀北回首指青驄

辛西省至太原

黎元瞻翠蓋三晉力桑麻納稼知豐稔祈年憶靜嘉
邊無戍卒苦巷有讀書家此幸非游玩隆冬見玉花

過平定州

勞農豈憚元英節寒景風沙透體來詔有鵲山無覓
處目前惟見東雲迴

賜山西布政使臣永泰

賦得綠樹陰濃夏日長

欽定四庫全書

山西通志
卷一百八十二

十三

綠槐影蔭碧紗厨茂樹紛紛葉漸殊綿雨新霖消九
夏薰風初熱未三驅米垂蟬咽濃陰下修景雲開炎
暑無長日山中吟咏畢氣清塞外鄙源珠

賜雁平道臣李毓柱

盛夏晚偶成

蟬聲急處秋將近餘雨過時暑漸微樹色渺茫憑遠
閣雲峰掩映暈斜暉西成平野年當稔煙息關山事
不違披覽牙籤心自得揮毫乙夜勉羣機

晚發古北口望霧靈山

流吹凌晨發長摘出塞分遠峰猶見月古木半籠雲
地迴連人迹山迴簇馬羣觀風景夏潤草自含薰

賜澤州知州臣陶自悅

憇小陵河

河水流不息晝夜去涓涓昔為征戰地今是豫遊年
駐馬孤岑外移舟古岸前殘陽下新柳約略見春妍

賜遼州知州臣呂猶龍

欽定四庫全書

山西通志
卷一百八十二

十三

潞河三首之一

潞瀝春波散碧灣白蘋初葉麥初歧潞河三月桃花
水正是乘舟薦鮪時

賜遼州知州臣陳九陞

西湖再作

面面山容淡盈盈水態清流紋漾漾傑閣波影蕩高城
燕舞知迎棹花低解避旌乘春弘沛澤隨地稔民情
賜平定州知州臣劉孚嘉

禁園秋霽

樹冷催蟬咽荷疎表影長
深秋殘暑氣微爽待高陽
戶外遠塵蹟園中多蕙香
溶溶新雨霽吟乏媿成章

賜渾源州知州

臣劉顯功

咏蟬

飲露當涼夜吟風向晚晴
乍移深樹影又聽別枝聲
與物心無競離塵翼最輕
秋懷聊寄咏愛爾獨能清

賜翼城縣知縣

臣馬文鏞

欽定四庫全書

山西通志
卷一百八十二

五

榴花

未結千房實先開五月花
紅銷連戶下妝似漢時槎

賜臨縣知縣

臣李凡

雜詩之二

桃花歷落李花開綠柳含煙
傍水隈鴻雁平沙看不盡
春光曖曖入蓬來

賜山陰縣知縣

臣甯朝鼎

山中晚色

星漢參差曉色開高峰初日射
莓苔閒來駐蹕山邨

靜坐愛明霞入酒杯

賜高平縣知縣

臣梅建

咏蒙恬所築長城

萬里經營到海涯紛紛調發逐浮誇
當時用盡生民力天下何曾屬爾家

賜沁源縣知縣

臣柳滋芳

雜詩之一

欽定四庫全書

山西通志
卷一百八十二

五

條風鼓棹動清漪夾岍青青楊柳垂
輕轉牙檣觀易水波光日影映旌旗

賜樂平縣知縣

臣馬光

途次逢寒食

何處來春風淡蕩開晴旭不見杏花紅
纔逢柳梢綠

賜太原總兵官

臣馬見伯

咏鶴

夜警三霄露秋凌萬里雲立同薛稷
畫舞憶鮑昭文